

এফই সার্কুলার নং - ০২

১৩ ফাল্গুন, ১৪১০  
তারিখঃ -----  
২৫ ফেব্রুয়ারী, ২০০৪

বৈদেশিক মুদ্রায় লেনদেনের সকল  
অনুমোদিত ডিলার।

প্রিয় মহোদয়গণ,

**বৈদেশিক মুদ্রায় ফরওয়ার্ড ও সোয়াপ লেনদেন কার্যক্রম পুসংগে।**

বৈদেশিক মুদ্রায় ফরওয়ার্ড ও সোয়াপ ক্রয়বিক্রয় কার্যক্রমের বিষয়ে Guidelines for Foreign Exchange Transactions, Vol-1 এর ষষ্ঠ অধ্যায় এবং ২৬ শে অক্টোবর ২০০২ তারিখের ২১ নং এফই সার্কুলারের প্রতি মনোযোগ আকর্ষণ করা যাচ্ছে।

০২. অনুমোদিত ডিলারদের বৈদেশিক মুদ্রায় ফরওয়ার্ড ও সোয়াপ লেনদেনের গতিথারার পর্যালোচনায় গ্রাহকদের প্রয়োজনে সূচিত লেনদেনের তুলনায় আন্তঃব্যাংক ভিত্তিতে লেনদেনের (বিশেষতঃ দুই বৈদেশিক মুদ্রায় ক্রস কারেন্সী ফরওয়ার্ড এবং সোয়াপে) অত্যধিক ক্ষীতি পরিলক্ষিত হচ্ছে। গ্রাহকদের প্রয়োজনের সংগে সম্পর্কহীন ফরওয়ার্ড ও সোয়াপ কার্যক্রমে প্রত্যাশিত অনুকূল আর্থিক ফলাফলের সম্ভাবনার পাশাপাশি লোকসানের ঝুঁকিও সম্পূর্ণভাবে সংশ্লিষ্ট অনুমোদিত ডিলার ব্যাংকের উপর বর্তায়, সুষ্ঠু ঝুঁকি ব্যবস্থাপনার সুনির্দিষ্ট নিয়ন্ত্রণ কাঠামোর অবর্তমানে ঋণের ঝুঁকিতে জড়িত হওয়া অনভিপ্রেত এবং পরিহার্য।

০৩. বাংলাদেশ ব্যাংকের উদ্যোগে আন্তঃব্যাংক ওয়ার্কিং গ্রুপের প্রণীত এবং ৭ই অক্টোবর ২০০৩ তারিখের ১৭ নং বিআরপিডি সার্কুলারের মাধ্যমে জ্ঞাপিত গাইডলাইনস এর ভিত্তিতে সুষ্ঠু বিনিময় হার ঝুঁকি ব্যবস্থাপনার যথাযথ প্রবর্তন ও অনুসরণ বাংলাদেশ ব্যাংকের সন্তুষ্টি মোতাবেক সম্পন্ন না হওয়া পর্যন্ত নতুন ক্রস কারেন্সী ফরওয়ার্ড ও সোয়াপ লেনদেন চুক্তি কেবলমাত্র গ্রাহকদের লেনদেনের প্রয়োজনেই সম্পাদনযোগ্য হবে। ইতোপূর্বে সম্পাদিত গ্রাহক প্রয়োজনের সঙ্গে সম্পর্কহীন ফরওয়ার্ড ও সোয়াপ চুক্তিগুলো মেয়াদপূর্তিতে আর কোন নবায়ন ব্যতিরেকে ক্রয় বা বিক্রয় দায় পরিপালন করে সম্পন্ন করতে হবে।

অনুগ্রহপূর্বক প্রাপ্তি স্বীকার করবেন, এবং সংশ্লিষ্ট সকল পক্ষকে এতদমর্মে অবহিত করবেন।

আপনাদের বিশ্বস্ত,

(এ.টি.এম, নাসিরউদ্দিন)  
মহাব্যবস্থাপক  
ফোনঃ ৭১২০৬৬৮